



№ 26

29 თიბათვე 1914 წ.

მიიღება ხელის მოწერა

წლიური ფასი

== 3 მან. ==

შოველ კვირეული საზოგადო-ეკონომ-

ვიური და სალიბერატორო შუხნალი

წელიწადი მისამე

ცალკე ნომერი 5 კაპ.

რედაქცია ღიაა 9-3 საათ

მისამართი: თბილისი, Габаевский пер. № 3 რედაქცია „კლდე“. დეპოზისა: თბილისი კლდე.

# შექსპირი ქართულად!

გამოცემა ივანე მაჩაბლის თარგმანებისა.

მიიღება ხელის მოწერა ივ. მაჩაბლის მიერ ნათარგმნ

## შექსპირის

რვა ტრადედიის გამოცემაზედ: (ჰამლეტი, ოტელო, მეფე ლირი, მაკბეტი, იულიოს კეისარი, ანტონიუს და კლეოპატრა, კორიოლანოს და რიჩარდ მესამე). — გამოცემა იქნება ერთ წიგნად და შეიცავს ათასამდე გვერდს, დიდი ფორმატისას. გამოცემას დაერთვის ბიოგრაფიები შექსპირისა და ივანე მაჩაბლისა და მათივე სურათები. ფასი ხელის მოწერით: 3 მან. შემდეგ ფასი გადიდებული იქნება. ვისთვისაც ერთად ფასის გადახდა სიმძიმოა, — მათთვის ხელის მოწერა განაწილებულია სამს ვადად: პირველი შემოსატანი — 1 მან., მეორე — პირველ ნომბერს — 1 მ., და მესამე — 1 მ. 7 იანვარს 1915 წელს.

წიგნი დარიგდება 1915 წელს თებერვლის განმავლობაში. ხელის მოწერა მიიღება თბილისში: ქართველთა შორის წერა-კითხვის გამავრც. საზოგადოების წიგნის მაღაზიაში და გამომცემლის საკუთარ ბინაზე (ოლგას ქუჩა 52), და ქუთაისში მთავრიშვილისა და ოცხელის წიგნის მაღაზიებში.

გამომცემელი: კნ. ანასტასია ალექ. ასული მაჩაბლისა.



- ს ა რ ჩ ე მ ე ი :
1. შეთაური.
  2. ზასუხი გაზ. „იმერეთს“.—რ. გ—ესი.
  3. ზ რ ე ს ა.
  4. ზე-დაგოგის ნიმუში.—ი. ა—შვილისა.
  5. წყალი.—დ. ვაჩნაძისა.
  6. საზოგადოება-ნი ჩვენში.—\* \* —სა.
  7. რას ამბობენ ციფირები.—ეკალისა.
  8. კომპერატის მუ-შაკოს დაჯილდოება.—კოპერატორისა.
  9. ეროვნული უძღურება და მისი სამი სა-ხე.—შალვა ჯ—ძისა.
  10. ნარევი. ჩენი ფოსტა.

# რ ე დ ა ქ ც ი ი ს ა გ ა ნ

სსვა და სსვა მიხსნების გამო, რედქცია იძულებულია შეახიროს გამოცემა ქუონა-ლისა ენკენისთვედის დაკლებულ ნომრების მსკიერ, ხელის მომწერთ დაურიგდებათ როგორც მარძხან ზრემია.

## თბილსი 29 თბათვე

დღევანდელ ჩვენს ნომერში დ. ვაჩნაძე უბ-რუნდება ხელახლად იმ ფრიად საყურადღებო სა-კითხს, რომელიც აღძრა ჩვენმა ქორნალმა ჯერ კი-დევე შარშან —სარწყავსა და სასმელი წყლის საჭი-როებას ჩენი სოფლებისათვის. შარშან პრესაც და სპეციალური დაწესებულებანიც, რომელთაც პირდა-პირ შეეხებოდა ეს საკითხი — ცოტა არ იყოს, უგუ-ლოდ შეხვდნენ ჩვენ მიერ წამოყენებულ საფრთხეს, რომ საშინელ მოზავალს გვიქადის უწყალოობა; ნა-მეტნავად იმის შემდეგ, რაც მთავრობამ განიზრახა მულანის ველისათვის დაშრეტა მტკვრის მთელი რა-იონისა, ე. ი. მტკვრისა და მისი შერთული წყლე-ბისა. მართალია, ქ. ს.-სამეურნეო საზოგადოებამ და ზოგმა კერძო ინიციატორმა დაგზავნა კაცები, ინ-ჟინრები ადგილების და მათი წყლების გამოსაკვლე-ვად, მაგრამ ჯერჯერობით პრაქტიკულად არც ერ-თი საქმე არ დაწყებულა, თუმცა ჯერ შარშანვე უთითებდნენ ისეთ აუცილებლად დასაწყობ საქმეებ-ზედ, როგორიც არის მავ. დიღმის მინდორის შორ-წყვა მტკვრიდან, ან მისაქციელისა — არაგვიდან.

წრეულს ამ საშინელ საფრთხეზედ კიდევ იყო მიქცეული ყურადღება პრესისა, მაგრამ როდესაც არა სჩანს თუ ქართველ საზოგადოების გულში როგორი

ცეცხლის ასობეა ამოიჭრა უწყელოობის საფრთხე. ჩვენის ღრმა რწენით, ის ქვეყანა, რომლის ბელი სოფლის მეურნეობაზედ იყო, არის და ყო-ველთვის იქნება დამყარებული; რომლის საწარმოვო ძალები, ვაჭრობა-მრეწველობა და სხ განსაკუთრე-ბით უხვ საზრდოს იპოვნინ იმავე მიწაში, რომე-ლიცა ზრდის უკიდურეს ჩრდილოეთის და სამხრე-თის შუა აღმომცენ ყველა მცენარეს; რომელიც უხვადა ჰკვებავს ყოველგვარ მატყლეულობის, რძის, ყველის და კარაქის მომცემ საქონელს; სა-დაც უხვად იფურჩქნება მცირედი ხელის შეწყობით, აბრეშუმეობა, მეფუტკრეობა, ფრინველის მოშენე-ბა და სხვა და სხ. — ის ქვეყანა, ვამბობთ, მოით-ხოვს განსაკუთრებულ ყურადღებას წყლისადმი.

მართალია, ყველა ჩამოთვლილ დარგის ასა-ყვავებლად ერთგვარადაა საჭირო წყალი, მიწა, ჰაე-რი და მზეც. მაგრამ უკანასკნელნი თავისით ყველ-გან არიან, წყალი კი ის განსაკუთრებული ელემენ-ტია, რომელიც კაცმა უნდა მოიყვანოს იქ, საცა ბუნება თანაბრად არ ანაწილებს.

ხალხში პროპაგანდით, კერძო მემამულეთა, საზოგადოებათა და დაწესებულებათა შეთანხმებით, აუცილებლად უნდა შეიქმნეს ის ზნეობრივი ძალა,



რომელიც დასძლევდეს ყველა დაბრკოლებას და აღადგენდეს იმ ძველ ქართულ უფლებას, რომლის ძალითაც „წყლისათვის ეკლესიასაც კი გასჭირანო“. თუ ჩვენს წინაპრებს, რომელთათვისაც ეკლესია უმაღლესი ზნეობრივი ტაძარი იყო, ასე კარგად ესმოდათ წყლის მნიშვნელობა, თუ მათგან თითქმის ყველა მდინარეების ხეობანი (ალაზნის, არაგვის, ლიახვის, თემძის და სხ.) დასერილი იყო არხებით, რომელთაც დღესაც ეტყობათ გიდრაველიკის ყველა კანონთა ცოდნა, — უფრო რე დღესაც უნდა გვესმოდეს ის აუცილებელი საჭიროება რომელსაც წარმოადგენენ არხები და სარწყავი წყლები.

უკანასკნელ დროს ჩვენი ქვეყნის ყველა კუთხეში თითქო შეიგნეს სასმელი წყლის საჭიროება და ხშირად გვესმის ხოლმე: ამა და ამ სოფელში გაიყვანაო, მაგრამ სარწყავი წყლების ბედი ჯერ შეჩერებულია ერთ ალაგას. დრო კი არის, მეტად საჩქაროა შეუდგეთ ამ საკითხის პრაქტიკულ გადაწყვეტას, რადგან საყოველთაო გვემის შესამუშავებლად უკვე დროს არ გვიტოვებენ. ამ საკითხში მაინც ნუ მოვიქცევით ისე, როგორც ქართველებს გვჩვენია: ურემი რომ გადაბრუნდება, გზა მაშინ გამოჩნდებაო; მით უფრო, რომ დღევანდელი ურემი ისეა გადაღრეცილი, რომ გადაბრუნებამდე ბევრი აღარა უკლიარა.

## პასუხი გაზ. „იმერეთს“

როდესაც წარსულ ნომერში ვისწერდით „ქართველ ალარმისტებზედ“, ჩვენ მოველოდით ჩვენი თანამოაზრე „იმერეთის“ პასუხს, მაგრამ „მონასტრის არევაზედ“ საქმის მიყვანა ჩვენ არ გვიკისრია.

ჩვენ გარკვევით ვადექით იმ აზრს, რომ „ყველა ნეიტრალური დაწესებულება მოვალეა კარი გაუღოს ხალხის უმრავლესობას და რადგან ამჟამად საზოგადოებრივი აზრი სხვა და სხვა მიმართულებათა ხელშია, ყველა მიმართულებას უნდა ჰქონდეს თავისი ხმა საერთო, ნეიტრალურ ნიადაგზედ“.

ამ მთავარი დებულების დამტკიცებისათვის იყო საჭირო მოყვანა ჩვენი სხვა მოსაზრებისაც, რომ ისეთი ნეიტრალური ასპარეზი, როგორც არის ქ. შ. წ. კ. გ. ს., როგორც სამართლიანად

შენიშნავს გაზ. „იმერეთი“, — „პოლიტიკური ბრძოლის მოედნად“ არ გადაიქცეს. ჩვენ არ გვითქვამს, რომ ს. - დემოკრატები არიან ერთად-ერთი მესვეურნი და წარმომადგენელნი ქემშარიტ დემოკრატიისა და მათ უნდა ჩაუგდოთ ხელში ქ. შ. წ. - კ. გ. საზოგადოება. პირიქით, სწორედ იმიტომ, რომ **შეუძლებლად და მავნებლად** მიგვაჩნია ისეთი საერთო ეროვნულ-კულტურული საქმის, — როგორც არის ქ. შ. წ. - კ. გ. საზოგადოება — რომელიმე განსაკუთრებული მიმართულების ხელში ჩაგდება, ჩვენ ვემხრობით იმ აზრს, რომ ყველა მიმართულებას უნდა ჰქონდეს ადგილი ამ დაწესებულებაში.

ამას უფრო ბეჯითად ვიტყვით ეხლა, გაზ. „იმერეთის“ (№ 87) გამოცემის შემდეგ, საცა იგი ამბობს: „პირიქით, ჩვენ თუ ბლოკი უნდა შევკრათ, ისევე „სანფარებთან“, რადგან ეროვნულ ავტონომიას აღიარებენ“. ამ **პოლიტიკური** მოსაზრებით არასოდეს არ შეიძლება ვიხელმძღვანელოთ **კულტურულ** დაწესებულებაში, თუ არა გვსურს გავყინოთ ყოველი საქმე ისეთ „მკვდარ წერტილზედ“, რომელზედაც გაყვნილია დღეს ბევრი ჩვენი კულტურული დაწესებულება. საერთო ეროვნულ საქმეებში — პარტიულ და პოლიტიკურ მოსაზრებათა შეტანა — დიდ შეცდომად მიგვაჩნია ყველას, ნამეტნავად უკიყინებთ ამას სოციალ-დემოკრატიას და ახლა ჩვენვე შეუწყოთ ამას ხელი — ეს ვერაფერი გონიერება იქნებოდა ჩვენის მხრით. რაც შეეხება იმ შიშს, რომ დასელები რასაც ჩაიგდებენ ხელში, იქ აღარავის დააყენებნო — ეს ჩვენ არ გვაშინებს: ჯერ ერთი ისინიც დაინტერესებულნი არიან საზოგადოების არსებობაში და მაშასადამე თვითონ ძირს არ გამოუთხრიან წინდაუხედავი საქციელებით და შეორეც, საკითხი სწორედ იმაშია, რომ ერთს მიმართულებას არ უნდა ჰქონდეს ჩავარდნილი ხელში ეს დაწესებულება.

ჩვენ არ გვაშინებს არც ის მოსაზრება, ვითომ დასელების შერევა რომელიმე ეროვნულ საქმეში, სიმპატიას დაუკარგავს საშუალო, ან მდიდარ წრეებისას. სიმპატია ყველა წრეებისა დამოკიდებულია საზოგადოების მოქმედება-უნარიანობასა და მის საჭიროებაზედ და თუ დასელები **ნამდვილ მუშაკების სახით შეეწევინა** საზოგადოებას ისევე, როგორც ყველა სხვანი ვართ მოვალენი, და არა მართო პარტიულ ჟინის და ენის ქაეილის მოტრფილევებით, — სიმპატია მთელი ერისა მართო გაიზრდება და გაღონიერდება. ამას ისიც უნდა დაერთოს, რომ საქველ-მოქმედო სიმპატიასთან, შესაძლებ-



ლია, საქმიანი სიმბატიაც მოემატოს და უკანას-  
კნელი წლების უძლიურება გადალახული იქნეს.

ჩვენ სრული იმედი გვაქვს, რომ გაზ. „იმე-  
რეთი“ ამასთანავე უარპყოფს თავის მოსაზრებას:  
„ჯერ განაციონალიტდნენ და მერე გაუღებთ მათ  
ხსენებულ დაწესებულებათა კარებს“. ასეთმა ბიუ-  
როკრატიულმა ფორმულამ: „ჯერ დამშვიდება, მე-  
რე რეფორმებიო“, შეიძლება სწორედ იმ დროს  
შეგვასწოროს, რომელსაც ესწრობა ბიუროკრატია:  
კარების ჩაზოგლეჯას. მაშინ როდესაც, ჩვენის აზ-  
რით, სწორედ ასეთი კარების ჩაკეტვა ჰქმნის იმ  
გაუვალ კედელს, რომელიც შენდება ეროვნულ  
დემოკრატიასა და ს.-დემოკრატიას შორის.

როცა ს.-დემოკრატია არ ტრიალებს ეროვნულ  
საქმეების ფარგლებში, ის ვერ იძენს ვერც სიყვარულს,  
ვერც ცოდნას ამ საქმეებისა და საკითხები-  
სას, იგი ვერ ეცნობა ათასგვარ საკულტურო ჭირ-  
ვარამს და მაშასადამე, როგორც ფრინველი ვერ  
ისწავლის ფრენას, თუ არ ფრენით, ისინიც ვერ  
ისწავლიან ეროვნულ შემეცნებათა გაზიარებას, თუ  
არ ეროვნულ საქმეში ტრიალით. და რომ დასე-  
ლები ეროვნულად უკვე უბრუნდებიან თავის პირ-  
ვანდელ ფორმულებს, რომელსაც ადგნენ ს.-დ. II  
ყრილობამდე — ამის საბუთები მრავალია იმისათვის,  
ვინც თვალყურს ადევნებს უკანასკნელ დროის აზ-  
რთა ევოლიუციას. ჩვენ გვჯერა, რომ გაზ. „იმე-  
რეთი“, როგორც ჩვენი თანამოაზიარე, გულის-  
ყურით ასწონ-დასწონის ამ ტაქტიურ მოსაზრებათ  
და პრინციპიალურ განხეთქილების საგნად არ გახ-  
დის უბრალო საკითხს.

რ. გ.

### ს რ ე ს ა

„სახალხო ფურცელი“ (№ 21) უსაყვედურებს  
„შრომას“, რა ჩემზედ მოიცალიყო:

რამ გამოიწვია ასეთი ინტერესი გაზეთისა ფე-  
დერალისტებისადმი? უკვლავ უწინარეს ალბად იმან,  
რომ სხვისი გაკრიტიკება და ამით ერთნაირის  
„ბრძნობის“ სახელის მოხვეჭა შეტად ადვილი სა-  
ქმეა. სხვა სხვის ომში ბრძენიანო, ხალხური ანდა-  
საა. რომ საკუთარი ძალა და შემოქმედება დაამ-  
ტაინო, დირსება გამოიჩინო, ამისათვის ნიჭიანა  
საჭირო, ცოდნა, შრომის უნარი, მუყათობა, საქ-

მიანობა და ეს ხომ უკვლავ არ შესწევს. სამაგიე-  
როდ სხვისი მხადება სხვისი ახუხად აკდება, სხვა-  
სი დამცირება, უკადრისად ხსენება — უკვლავ შეუ-  
ძლიან, ამის ნიჭი უკვლავ შესწევს, ამას უკვლავ მო-  
ახერხებს, თუ ერთი ორი გულებურუვილო იშოვნა  
ეურის დამცლები, ანდა კალამი და ქადაღდი თუ ჩა-  
ივლო ხელში.

საკვირკელია ის უტიფრობა, რომელიც სხვევია  
ზოგიერთ ჩვენებურ ინტელიგენტს: წაიკითხვს  
ორიოდე წიგნს, მოაერაფს შეუბღუე სხვის იარ-  
ღიკს და უკვლავ უვიტს და უცოდინარს უწოდებს,  
თავისი თავი კი შეცნაიერ — ფელოსოფოსად მიაჩნია!  
იმატომ, რომ ესეც ადვილია საქმეა.

ეს საყვედური, ასეთი სწორი და მწყობრი  
უთუოდ იმიტომ მოუვიდა „სახალხო ფურცელს“,  
რომ თვით მაზედაა ზედ გამოკრილი. იმ განსხვავე-  
ბით, რომ „შრომა“ გუშინდელი ღლაბია და „სა-  
ხალხო ფურცელი“ მთელი წლობის განმავლობაში  
მარტოდენ სოციალ-დემოკრატის და დასელების  
გაკრიტიკებაში იჩენს თავის „ნიქსა“. განსხვავება  
იქნებ ისიც იყოს, რომ ეხლანდელი მისი ხელმძღვა-  
ნელები „ორიოდე წიგნის წაიკითხვასაც“ აღარ კად-  
რულობენ, რადგან „თავისი თავი შეცნაიერ-ფილო-  
სოფოსად“ და მეცნიერულ სოციალიზმის ავგარო-  
ზებად მიაჩნიათ.

„თეატრსა და ცხოვრებაში“ დაბეჭდილია სი-  
ტყვა, რომლითაც, ქართულ დრამატიულ საზოგა-  
დოების გამგეობის თავმჯდომარემ, თავ. ნ. დ.  
ერისთავმა, ქართულ სცენის მოღვაწეთა პირველი  
ყრილობა გახსნა:

ბატონებო, ამ 64 წლის წინად ნეტარსხენე-  
ბუღმა გოგრი ერისთავმა პირველად მოაწყო ქარ-  
თული წარმადგენს, ამ 34 წლის წინად მისმა  
შვილმა, ნიჭიერმა დრამატურგმა დავით ერისთავმა  
პირველმა მიიღო მონაწილეობა ქართ. დრამატ. სა-  
ზოგადოების დაარსებაში, და, აი, დღეს, მე, მათ  
თანამოგვარეს, ბედმა მარკუნს საქართველოს სცე-  
ნის მოღვაწეთა პირველ კრების გახსნა...

ფრიად ორიგინალურია მართლაც ის მოვლე-  
ნა ჩვენი თეატრის ცხოვრებაში, რომ პირველი ქარ-  
თული წარმოდგენა მოაწყო თავ. გ. ერისთავმა,  
დრამატიულ საზოგადოების დაარსებაში პირველი  
მონაწილეობა მიიღო დ. ერისთავმა და ქართულ  
სცენის მოღვაწეთა პირველი ყრილობაც თავად ნ.  
ერისთავმა გახსნა.



ჩვენ მუხლს ვიდრეცთ გიორგი და დავით ერისთავების წინაშე, რომელთაც შეჰქმნეს ქართული თეატრი, მაგრამ, ქეშმარიტად, ჩვენ ვერ გავცივია ბედის ხუმრობა, რომელმაც ქართული სცენის მოღვაწეთა პირველი ყრილობის გახსნა ისეთ თავად ერისთავს არგუნა, რომელსაც არავითარი დამსახურება არ მიუძღვის ქართული საზოგადოების და, ნამეტნავად, ქართული თეატრის წინაშე.

თავადი ნ. დ. ერისთავი მორცხვად ბრძანებს, ყრილობის გახსნა „ბედმა მარგუნაო“ მაგრამ გვაგონდება რა წარსული არჩევნები გამგეობისა, ჩვენ ვიცით რა ხასიათისა იყო ეს „ბედი“. ეს „ბედი“ ის თავ. ნ. დ. ერისთავი იყო, რომელიც ჯარასავით დატრიალდა, რომ გამგეობის წევრობა რგებოდა და ვალ. გუნისა და ფედერალისტურ სიის წყალობით ერგო კიდევ. ჩვენ არც ის დამსახურება ვიცით თავ. ნ. ერისთავისა, რომლის გულისთვისაც გამგეობის კოლეგია იგი თავმჯდომარის ამხანაგად აირჩია. დანარჩენი კარიერა თავისთავად მოხდა. გამგეობის თავმჯდომარე თავ. პ. თუმანიშვილი თბილისიდან წავიდა და მისი ადგილი თავ. ნ. ერისთავმა დაიკრა. აი, ამ „ბედმა“ არგუნა თავ. ნ. ერისთავს ის საპატიო როლი, რომ „ყოფილმა პრესტავმა“ გახსნა სრულიად საქართველოს სცენის მოღვაწეთა ყრილობა.

ქეშმარიტად, რომ თავ. ნ. ერისთავი ბედის კაცია! ასეთი კარიერა შიგდრინის პოლიცემისტრსაც არ მოსიზმრებია!...

## ჰედაგოგის ნიმუში

არ დამშვიდებულა ქართული საზოგადოება ჯერ იმ შინაგან კრიზისისაგან, რომელსაც განიცადის თბილისის სათავად-აზნაურო გიმნაზია, რომ გაზეთებმა მოგვიტანეს საშინელი ამბები ქუთაისის სათავად-აზნაურო გიმნაზიის აკლემბისა.

სამოსწავლო ოლქისაგან გამოგზავნილი ნერვებ-აშლილი დეპუტატი კორიცი ახლილად უცხადებს უნდობლობას მთელი გიმნაზიის საადმინისტრაციო და საპედაგოგო გამგეობას, უდიერად ექცევა არა მარტო მას და შევირდებს, არამედ კანონებსაც და როცა უკიდურესობამდე მიყვანილი სკოლა აცხადებს პროტესტს ასეთ საქციელზედ, —დასჯილნი ისევ ისინი არიან, ვინც თავის თავზედ გამოს-

ცადა ბნ კორიციის მოქმედება. უსამართლობა ამაზედ შორს სადღა წავა? სამოსწავლო უწყება, როგორც ყველა სხვა; გადაქცეულა თითქო ზედა და ქვედა ჩინოვნიკების ერთმანეთისადმი ბატონობა ქვემდებარეობად, მასში არ არის გამეფებული სალი მოსიყვარულე პედაგოგის პრინციპი და ბ-ნი კორიცი მარტო უკიდურესი გამოხატველია ამ სისტემისა, რომელიც გადატანილ იქნა კერძო გიმნაზიაზედაც. იგი სიყვარულით და მეგობრულად კი არ მივიდა სასწავლებელში, არამედ მტრულად, როგორც „ნაზალნიკი“ თავის მოხელეებთან და შეურაცხყო იგი, თავისი უნდობლობით. რასაკვირველია, უნდობლობა დაბალ მოხელეებისადმი მაღალისაგან — ჩვეულებრივი მოვლენაა ჩვენს კურთხეულ ქვეყანაში, მაგრამ, როდესაც იგი ვრცელდება საზოგადო დაწესებულებაზედაც და ისეთს უხეშ ფორმებსაც იღებს, როგორც იგი გამოხატა ბ-ნმა კორიციმ, — იგი აუტანელი ხდება. ვერ აიტანა იგი გიმნაზიის პედაგოგიურმა საბჭომაც და ამისთვის დასაჯეს და დასაჯეს ორგვარად: დაითხოვეს დირექტორი და ინსპექტორი და ეგზავნების თავმჯდომარედ დანიშნეს ისევ... ბ-ნი კორიცი; ის კორიცი, რომელიც მიზეზი შეიქმნა იმ აუტანელ მდგომარეობისა, რაც ქუთაისის გიმნაზიის დაატყდა თავსა. ჩვენ გვესმის კიდევ, როცა ამბობენ «კორიცი იქნება უდიერად მოიქცა, უკანონოდაც, მაგრამ ამაზედ ჩივილი იყო საჭირო და არა პირდაპირ პასუხის გაცემაო» და ამით თითქო ამართლებენ (?) კიდევ ოცხელის და ხუნდაძის დათხოვნას, მაგრამ ჩვენ არ გვესმის პრესტიჟის ისეთი დაცვა, რომ თვით შეურაცხყოფელი არამცთუ არ გადააყენეს, პირიქით იგივე დანიშნეს თავმჯდომარედ. ეს უკვე დაცინვაა, შელახვაა თავმოყვარეობისა და უარესად გამწვავება, ისედაც ამაღელვებელ მდგომარეობისა. დამოშმინების და სიყვარულით სიმშვიდის შეტანის მაგიერ, სამოსწავლო ოლქს შეაქვს ნერვიული ალტყინება სასკოლო საქმეში — ეს უკვე გადაცილებია არა მარტო პედაგოგის, არამედ ზნეობის საზღვრებისაც და პასუხს ვინ აგებს ამისას არავინ იცის, რადგან, ეტყობა, ბ-ნი კორიცი — პასუხისგების გარეშე რჩება.

ყველა ეს არა სასურველი ამბავი ხდება იმ შეგირდების თვალწინ, რომელთაც დანაშაული არაფერში მიუძღვით და უბრალოდ იტანჯებიან; ისჯებიან, ყოველ შემთხვევაში სხვისა დანაშაულისათვის და არ არის ხმის ამამაღლებელი მოწაფეთა დასამშვიდებლად, მათი ყმაწვილური ფსიხიკის დონე-



ზედ დასაყვანად, რომ უბედურება მინც არა დატრიალდეს რა. მერე, მერელა შეიქმნება საჭირო თითზე კბენანი და გვიანლა იქნება.

ი. ა—შვილი.

### წყალი, წყალი...

სოფლის დღევანდელ მეურნეობის წინსვლა და გაფუჭჩქენა აუცილებლად დამოკიდებულია იმაზედ, თუ რა რიგად უზრუნველყოფილია მამული სარწყავი წყლითა. რასაკვირველია, ზოგს ამ ბანალურ ფრაზის წაკითხვის შემდეგ გაეცინება და იფიქრებს კიდევ: ნეტა ვის არ ეცოდინება ეს უბრალო ჭეშმარიტებაო? მაგრამ არის იმისთანა კუთხეები, სადაც ეს წარმოდგენილი არა აქვთ. მაგალითად რუსეთის უმრავლეს გუბერნიებში, ხალხმა ერობათა მეოხებით მარტო ეხლა შეიგნო, რომ ხელოვნურად მორწყვა მამულისა საჭიროა და აუცილებელი, რომ მან უკან, უკან არ დაიწიოს თავისი მოსავლით. 1904 წელს პენზის გუბერნიაში მოვიდნენ ერობის ინჟინერები და აგრონომები წყლის საკითხის გამოსარკვევად და სარწყავ არხების დასაქრელად. ხალხმა სასაცილოდ აიგდო ისინი და... ანტიქრისტიებად მონათლა. „როგორ თუ, ღმერთი არ იძლევა წყალსა და თქვენ უნდა მოგვცეთო!. ამბობდა რუსი გლეხ-კაცობა.

მართალია, ქართველი ხალხი ისე ჩამორჩენილი არ არის ამ საკითხში და არც ისე გულუბრყვილოა, როგორც მისი ჩრდილოეთის მეზობლები. პირიქით მეტად კარგათაც არის გაცნობილი და გამოცდილი სარწყავ არხებით თავის დედულ-მამულის დასერვის სიკეთეში. ამას მოწმობს შორეული წარსულიც საქართველოსი, როდესაც ამ 700 წლის წინად, თამარ-მეფის დროს, ვეებერთელა სარწყავ არხებით იყო გაქრილი ქართლი და კახეთი. მაგრამ ჩვენდა საამაყოდ ეს იყო წინად... ჩვენდა საუბედუროდ, როგორც საზოგადოთ ბევრი რამ ძველი და კეთილი, დღეს ეს არხები მიწითაა წაყრილი და მასთან ერთად სამარის მიწა მივაყარეთ ჩვენს სოფლის მეურნეობის წინსვლასაც. აბა შეიხედეთ დღევანდელ ქართულ სოფელში. ყველგან ერთს ამბავს გაიგებთ:

— წყალი გვაკლია, მოსავალი გვიხმება, მამული

უწყლოობით უქმად გვიგდია. ღმერთი გაგვიწყრა და ასე ვიხოცებით.

„ხალხო! რას უზიხართ გულხელ დაკრფილი — წყრომით ვეუბნებოდი შეკრფილ გლეხ-კაცობას ერთს სოფელში — აგე სამ ვერსზედ რამოდენა წყალი მოგიდით, გამოიყვანეთ არხები და მიაშველეთ თქვენს მამულებს.“

„რასა ბრძანებთ, ეგ რომ შეგვეძლოს ხომ ამ დამბალ წყალს არ დავლევდით. სასმელი წყალიც კი არ გვივარგა და ვერ გამოგვიყვანია, სარწყავზედ ვილა ჩივის. ამას მოხერხება უნდა, ბატონო, ფული, კაი ხელმძღვანელი და მაშინ საქმე გაკეთდება. ჩვენ კი საწყალი ხალხი, უცოდინარნი და უხერხონი, ღვთის ანაბარად გახლავართ... მოსთქვამდნენ გლეხ-კაცები.

ეს მაგალითიც საკმაოა, რომ წარმოდგენილი გვეკონდეს რის გამო ვართ ჩამორჩენილნი დღეს ამ საყურადღებო დარგს, რომელიც მეტად მნიშვნელოვანია ჩვენი ხალხის მეურნეობისათვის.

უხერხობა, უცოდინარობა, უხელმძღვანელობა.

მართალია, ამ პასუხსაც შეჩვეულნი ვართ საზოგადოთ. სადაც კი მიიხედავთ ყველგან წაწყდებით ქართულ უცოდინარობას, უხერხობას, უილაჯობას. მაგრამ როდესმე ხომ უნდა გავიღვიძოთ? როდესმე უნდა გავიცნოთ, შევისწავლოთ და შევიგნოთ ჩვენი საბედო საქმიანობა! კიდევ ათი წელიწადი ამნაირ ჩვენი ილაჯგაწყვეტილობისა და ინდიფერენტობისა და მორჩა ჩვენი საქმე... დაილუპა ქვეყანა.

საქართველო სავსეა მდინარეებით, წყაროებით და იწვის კი „უწყლოობით“!.. ამიერ-კავკასიაში ჩვენს გარდა ყველა მუშაობს და მეცადინეობს, რაც შეიძლება მეტი წყალი გაიყვანოს თავისაკენ და ამით ჩვენი წყლებით თავისი საქმეებიც გამოაკეთოს; ჩვენ კი ამ სეირს შორიდან ვუყურებთ და ვწუწუნებთ.

ხვალ მულანის უდაბნოს „მოღვაწენი“ აღმოსავლეთ საქართველოს მდინარეებს სრულიად შეპკრავენ (კანონის ძალით) და ერთს წვეთსაც აღარ დაგვიტომბენ, ჩვენ კი ცხარე მოქმედების მაგივრად ვსხედვართ და... ვწუწუნებთ.

მაგალითად დარწმუნებული ვარ ქართველობის უმრავლესობას არც კი გაუგონია რომ ამ წლის ქრისტიანობისთვის 7-ში ამ მნიშვნელოვან საკითხის გამო „კავკასიის სამელიოორაციო კრება“ იკრიფება, რომელსაც მიზნადა აქვს ამიერ-კავკასიის წყლებს



მოუაროს და ახალი გზები გაუკაფოს საირრიგაციო საქმეს.

უმეტესი ნაწილი ამიერ-კავკასიის წყლებისა საქართველოს ეკუთვნის... მაშასადამე უმთავრესად ქართველებმა უნდა იზრუნონ თავის კუთვნილებაზედ. ამისათვის კი საქიროა ეხლავე სერიოზული და ბევრთი მომზადება, რომ ამ კრებიდან მართლაც რაიმე სარგებლობა ვნახოთ და ჩვენი ქვეყნის მეურნეთა წრეებს მივეშველოთ.

არც ისე ღარიბნი ვართ სპეციალისტ მკოდნეებით, რომ გვარიანად ვერ წარვუდგეთ ამ კრებას და საბუთიანად არ დაეუმტკიცოთ, რომ მთავრობა მოვალეა მიეშველოს თავისი ხარჯით და ტექნიკური ძალებით ჯერ იმ პროვინციებს, რომლის მეურნეობას წყალი ეკუთვნის. და მისთან წარვუდგეთ შესაფერისი სტატისტიკური მასალებით რომ საქართველოს სკირია აუცილებლად სარწყავი წყალი. ჩვენი დაწესებულებანიც — სამეურნეო საზოგადოება და საადგილ-მამულო კომისია ეხლავე უნდა შეუდგნენ ამ სტატისტიკურ მასალების შეკრებას. ეს მით უფრო ადვილია, რომ „სამელიორაციაო კრების“ ბიურომ თავის ბიულეტენში, № 8, გამოაქვეყნა საანკეტო კითხვები, რომელზედაც სწორი პასუხის გაცემა მდიდარ მასალას მიაწოდებს ქართველ მომხსენებელს. თბილისის თავდაზრაურობის წინამძღოლი თ-დი კ. ნ. აბხაზიც დიდ მონაწილეობას იღებს ამ საქმეში (როგორც ინიციატორს ხსენებულ კრების მოწვევისა და კომიტეტის წევრი) და დაუგზავნა ჩვენს პროვინციის დაწესებულებათ და მოღვაწეებს მოწოდებანი, სადაც მოითხოვს რომ ყველა შეგნებული ქართველი ყურადღებით მოეკიდოს ამ საქმეს და სწორი პასუხი გასცეს საანკეტო კითხვებზედ. ერთი სიტყვით, საქიროა, რაც შეიძლება მეტი მასალის შეკრება დღევანდელ საქართველოს საირრიგაციო საქმის მდგომარეობის გამოსარკვევად. აქედან ნამდვილად გავიგებთ სად რა წყალი გვაქვია, რამდენი, რაგვარი მიშველება საქირო და სხვა და სხვა.

იმედია, ყველა ვინც დაინტერესებულია ჩვენი სოფლის მეურნეობით და ეკონომიკით, მიეშველება თბილისელ მოღვაწეებს ამ ცნობებით. მომავალ „კავკასიის სამელიორაციაო კრებაზედ“ ბევრი რამ შეგვიძლიან გამოვაკეთოთ და დაკარგული დავიბრუნოთ. თუ რასაკვირველია ძველმა სენმა არ დაგვძლია — უხეირობამ. მაგრამ, ვფიქრობ რომ ამ უკანასკნელი ათი წლის დუხკირმა პირობებმა ჩვენი ცხოვრების გარშემო, დასძლიეს ეს სენი და ხერი-

ანი გზაც გვიჩვენეს... გზა რეალურ და უნარიან მოქმედებისა. დღეს ჩვენი უნარი უნდა გამოვიჩინოთ საქართველოს სამელიორაციო საქმის მოგვარებაში.

დღეს ჩვენი ლოზუნგი უნდა იყოს:

სარწყავი და სასმელი წყალი ქართულ სოფელს!

დ. ვაჩნაძე.

## საზოგადოებანი ჩვენში

ისე წელიწადი არ გავა, რომ „თემის“ რედაქციამ აპილოზილებული სურვილი არ გამოსთქვას, რომელიმე ახალი საზოგადოების დაარსებისა, სრულიად საქართველოს დასაცავად უბედურებისაგან და მის ასაყვავებლად მომავალში. ხან „ტურისტთა საზოგადოება“, ხან „გაგომგონთა და მეცნიერთა დამხმარე საზოგადოება“, ხან რა, ხან რა, აი დღეს ვინმე „პლატონ გ“-ს პირით „თემი“ საქიროდა სცნობს „ქ. შ. კულტურის გამავრცელებელი საზოგადოება“ დაარსდეს, რომლისთვისაც პროგრამაც კი შეუმუშავებიათ თითქმის. ასეთი შეპილიზებული სურვილები, რასაკვირველია ყურადღების ღირსნიც არ იქნებოდნენ, რომ საზოგადო სენს არ წარმოადგენდეს ქართველებისას —ათასნაირ საზოგადოების შექმნა და... დამარხვა. რა კარგია, როცა კაცი თავისთვის ოთახში ზის, მოაგონდება ჩვენი ქვეყნის ყოველმხრივი გაქვირება და... მაშინვე ისეთ „საზოგადოებას“ გამოაცხობს, რომელიც ან რომელიმე ერთ-ორ მხარეს გამოასწორებს ჩვენსას, ან პანაცეიად გახდება ყველა ქირისაგანასურვილები ბევრია, ნაკოფი კი ცოტა. და ვერც კი ვამჩნევთ იმას, რომ ერთის მხრით ყველა ეს სურვილები საპნის ბუშტებივითა ჰქრებიან და მეორე მხრით ის არსებული საზოგადოებანიც, რომელნიცა გვაქვს — უქი წერტილზედ იყინებიან, უსახსრობისა და უკაცურობის გამო.

ავიღოთ თუნდ ისეთი პოპულიარული საზოგადოება, როგორიც არის წ. კ. გამაერც. საზოგადოება, რომელსაც საყოველთაო სიმპატია აქვს მოპოვებული, რომელიც მან წელიწადია არსებობს და რომელის მოღვაწეობა მართლ უნდოდ სკოლების და მათზედ უფრო უნდოდ ბიბლიოთეკების გახსნაში გამოიხატება, უგემურად მოქმედ გამგეობისაგან.



ბრალი კი—უსახსრობაა, უკაცურობაა. ერთი და იგივე გამგე—ცხრა საზოგადოების და საქმის მწარმოებელია. ავიღოთ „სიტყვა-კაზმულ მწერლობის საზოგადოება“—პირდაპირ სასაცილოა მისი მოქმედება: მიიღებს თავად-აზნაურობისაგან 800 მან. და გამოსცემს გრდემლს“—ეს არის და ესა. ამისათვის კი საზოგადოება საჭირო არ არის: ამისათვის ერთი კაციც სრულიად საკმარისია. ესეც იმიტომ ხდება, რომ მისი გამგენიც ცხრა სხვა და სხვა საზოგადოების გამგენი და წევრები არიან და დრო არა ჰყოფნიან, ხალისი აღარა აქვთ მოქმედებისა. ავიღოთ „ქართულ კულტურის მოღვაწეთა საზოგადოება“ თითქო რაღაცა ფხა გამოიჩინა, ერთიორი რაღაც მოხსნება და საღამოც გამართა და... მიიძინა, რადგან... სახსარი არა აქვს, კაცი არა ჰყავს...

არსებულ საზოგადოებათა რიგს რომ მივყვებით ათი ფურცელი არ გვეყოფოდა და თუ ჩამოვთვლით პროექტებს, რომელიც ცხვება მალ-მალე, თბილისსა, პრეზიდენსა და ქუთაისში, ან რუსეთსა და საზღვარ-გარედ ჩვენი ახალგაზრდობისაგან—ასიც არ იქნება სამყოფი.

რით აიხსნება ყველა ესა? ჯერ ერთი იმ თვალსაჩინო ნაკლით, რომლის წყალობით ყველა ქართველს უცება სურს ქვეყნის აშენება და წვრიმალ, ყოველდღიურ საქმეს გაურბის, როგორც ქირს, რადგან უკანასკნელს გამუდმებული შრომა და ჯაფა სჭირია. თორემ განა არ ვიცით, რომ ყოველ ახალ საზოგადოებაში, ისევე როგორც ყველა უკვე არსებულში ისევე იმავე, სულ ერთსა და იმავე პირებს შეეხვდებიან? რად ვიტყუებთ თავს, რომ ახალ საზოგადოებაში, ახალ ძალებს შევიძენთ, ახლის ენერგიით შევიმოსებთ. და თუ ძველ პირებს, ერთ წუთს ვიფიქროთ, შეუძლიანთ რისამე გაკეთება საზოგადოთ, დეე, ეს ენერგია უკვე არსებულ საზოგადოებას მოხმარდეს.

მეორე მხრით, ყველა წევრი ქართველი საზოგადოებისა თავის დანიშნულებას ინიციატობაში ხედავს—მას არასოდეს არ უნდა და ვერ ეგუება უბრალო, „შავს“ საქმეს. ყველას პირველობა სურს და ეს განსაკუთრებული თვისებაა ჩვენის ინტელიგენციისა, რადგან იგი მთლად თავად-აზნაურულია; ქართველი თავად-აზნაურობა კი ისტორიულადაც მარტო წინამძღოლის როლს თამაშობდა. ამით აიხსნება რომ ძალიან ხშირად, მეტად ხშირად ჩვენი საზოგადოებანი, პარტიები და სხ. უჯარო ღენერლებად გადაიქცევიან ხოლმე, ხალხი არ მისდევთ

მათ. ისტორიულად თუ ისინი კარგი სარდლები იყვნენ—იმიტომ რომ **ომიანობა იყო და ხალხიც** დაინტერესებული იყო, ჩათრეული მტრის მოგვრებაში, დღეს კი ჩვენს თავად-აზნაურულს საზოგადოებას ვერ მიუგვნია ჯერა იმ გზისათვის, რომელზედაც მოსჩანდეს რაიმე მიმზიდველი, **ნამდვილ ხალხის მასისათვის**. თეატრის ყრილობანი, სოციალისტური მოძღვრება, უთვალავი საზოგადოებანი—ყველა ეს უცნობი ხილია მისთვის და საზოგადოების წარმომადგენელი მარტო ერთმანეთს უზიარებენ თავიანთ აზრებს—ხალხის გულამდის იგი ვერ აღწევს. ამიტომ ჩვენ პრინციპიალურად უარვყოფთ ისეთი ახალი საზოგადოების დაარსებას, რომლის მიზანი და ფუნქციები შესაძლებელია იურიდიულადაც (ე. ი. წესდების მიხედვით) და ფაქტიურადაც განაწილებულნი იყვნენ უკვე არსებულ საზოგადოებათა შორის. „ქ. კულტურის გამავრცელებელი საზოგადოება“ სრულებით უტკივილოდ შეიძლება, თუ კი მართლა მას ეყოლებიან წევრები, **მომუშავე და არა მარტო მოლაქლაქე**—განაწილოს თავისი მოქმედება ორ უკვე არსებულ საზოგადოების შორის: „ქ. შ. წ.-კ. გამავრცელებლისა“ და „ქართულ კულტ. მოყვარულთა საზოგადოებისა“. პირველს შეუძლიან იკისროს გამომცემლობაც და გავრცელებაც წიგნებისა, მეორეს—დანარჩენ მიზნების განხორციელება.

თუ ახალ საზოგადოებათა ინიციატორები მართლა მოწადინებულნი არიან საქმის გაკეთებას და ქვეყნის შევლას—ყოველთვის უმჯობესია თვით ახალ საზოგადოების დაარსებისათვის საჭირო ენერგია—უკვე არსებულში გამოიჩინონ და მათს ღონღილით სვლას ახალი სული ჩაჰბერონ.

\*  
\*\*

### რას ამბობენ ციფირები

ქ. თბილისის ხმოსანმა ი. სულაბერიძემ ქალაქის საბჭოს ერთ-ერთ სხდომაზედ ფრიად საინტერესო ციფირები გამოაქვეყნა.

ეს ციფირები მეტად ბევრს გვეუბნებიან, რომ უყურადღებოდ შეიძლებოდა მათი დატოვება. პირიქით, საჭიროა ეს ციფირები ავლაპარაკოთ, როგორც თამამად და გაბედულად ალაპარაკა ხმოსან-



მა სულაბერიძემ და ამით ფარდა ახადა ჩვენი მეზობლების „ძმურ“ პოლიტიკას.

არავისათვის საიდუმლოებას არ წარმოადგენს, რასაკვირველია, ის ფაქტი, რომ დღევანდელი მესვეურნი საქართველოს ისტორიულ სატახტო ქალაქ თბილისისა ძმურად არ ექცვიან ქართველობას. მაგრამ ჩვენ დარწმუნებულნი ვიყავით, რომ უბრალო ტაქტიური მოსაზრებით სომხები თავის მოქმედებაში ქართველების მიმართ, ცოტათი მაინც მოერიდებას და ჯენტლმენობას გამოიჩენდნენ, მეტადრე იქ, სადაც ქართველ-სომხთა ინტერესები ერთმანეთზეა გადახლართული—ქალაქის თვითმართველობაში.

მაგრამ ცხოვრება სხვას ამბობს... და მისი გამოსახველი ციფირები და ფაქტები წინააღმდეგ გვმოტიციებენ.

ყველას მოეხსენება, რომ ქ. თბილისის მუნიციპალურ ცხოვრებას მრავალი სხვა და სხვა გვარი დაწესებულებანი უძღვებიან. მათ შორის თვალსაჩინო ადგილი უჭირავს ყველა ჯურის საავადმყოფო დაწესებულებათ, სადაც მრავალი მოსამსახურე პირი ირევა, რომელნიც ხელმძღვანელობენ ამ ფრიად სერიოზულ დარგს—ქალაქის მცხოვრებთა ჰიგიენას და ჯანმრთელობას.

აშკარაა, რომ ამ დიდ საქმის სათავეში და მის მუშაკთა წრეში მკოდნე, გამოცდილი ხალხი და მოსამსახურე პირი უნდა იყოს. ე. ი. მკოდნე ექიმები, გამოცდილი ფერწლები, ფარმაცევტები, ავადმყოფების მომვლელნი.

ქართველობა ამ მუშაკთა მხრივ მეტად მდიდარია და ამიერ-კავკასიაში პირველი ადგილიც უჭირავს. საქართველოში და თვით ქ. თბილისში მრავლად მოიპოვებიან ნიჭიერი, განათლებული და გამოცდილი ექიმები, ფერწლები, ფარმაცევტები და სამედიკო დარგში სხვა მომზადებულნი პირნი. ამიტომ ბუნებრივი იქნებოდა, ქალაქის საავადმყოფოებში შესაფერისი ადგილიც დაეჭირათ. მაგრამ, როგორც ვამბობდით, სინამდვილე სულ სხვას გვეუბნება და ფაქტებიც წინააღმდეგსა. აი რას ამბობენ ციფირები:

თბილისში საქალაქო სამსახურში სულ 56 ექიმი—მათ შორის მარტო 6 ქართველი.

თუ რომელიმე საავადმყოფოს ავიღებთ, მაგალითად, უფრო მოზრდილ და თვალსაჩინოს, „ქალაქის საავადმყოფოს“, სადაც მოქცეულან ზუბალაშვილის, არამიანცის, სამშობიარო და გადამდებ სენის საავადმყოფონი, ეს უკუღმართობა უფრო თვალში გვეცემა.

ამ საავადმყოფოებში 175 მოსამსახურე პირია: ექიმები—20, მათ შორის ქართველი 2.

ფერწლები, ბებიები და სხვა—32; ქართველი 1. მომვლელნი, წვრილი მოსამსახურე პირნი 120; ქართველი 8.

ფარმაცევტი 3; ქართველი 1.

სულ 175: აქედან ქართველი 12 კ.

ისიც უნდა დაუმატოთ, რომ წარმოიდგინეთ ზუბალაშვილის განყოფილებაში, რომელზედაც ამ ცნობილ ქართველ ფილანტროპმა 150,000 დახარჯა 34 მოსამსახურეში 1 მომვლელი („სიდელკა“) ქართველი ქალიც კი არ მოიპოვება.

თუ კი ამ დარგში, სადაც ქართველობა დახელოვნებულია, ასეთი მიკროსკოპიული პროცენტია მოსამსახურეებისა ქალაქის ერთ-ერთ ავღალსაჩინო დაწესებულებაში, სხვაგან რაღა უნდა იყოს, იქ ან უფრო მცირეა ქართველების რიცხვი, ან სულ არ მოიპოვებიან.

მაშ რას ამბობენ ეს ციფირები?

ყოველ შემთხვევაში არა „მორიდებაზედ და ჯენტლმენობაზედ“ სომხებისა, არამედ თავალებულ და დაურიდებელ ვიწრო და უჭკუო შოვინიზმზედ.

ვამბობ უჭკუო, რადგანაც ვფიქრობ, რომ ასეთი მოპყრობით ქართველებისადმი სომეხ შოვინისტთა ბანაკის მხრივ, ქ. თბილისის ზრდა-განვითარება და მისი ბედნიერი მომავალიც მეტად საეჭვოა.

თბილისის მუნიციპალური საკითხი, ხომ „სომეხთა საკითხი“ არ არის, რომლის გამგებლობაში ქართველობას წილი არ უდევს. მაგრამ რაც შეეხება საქართველოს დედა-ქალაქის მუნიციპალურ და სხვა მის საკიბობოროტო საკითხებს, აქ რასაკვირველია უქართველებოდ ვერაფერი სახირო ვერ გაკეთდება.

და ამიტომაც უჭკუოა ის პოლიტიკა სომეხ შოვინისტებისა, რომელიც განზრახ მეცადინეობს საქართველოს ეკონომიურ-კულტურულ და პოლიტიკურ ცენტრის ცხოვრებას ქართველები ჩამოაშროს.

სწორედ ამას ამბობენ და ამტკიცებენ ზემო მოყვანილი, ხმოსან სულამბერიძის მიერ გამოქვეყნებული, ციფირები.

კვლავინდებურად ჩავიწერთ და ჩავისახავთ ამ „ძმობის“ ნიშნებს სომხებისას, მომავალში გამოგვადგა.

ეკალი.



# კოოპერატივის მუშაკ- თა დაჯილდოება

უკანასკნელ დროს ჩვენში ჩქარი ტემპით იზრდება ყოველგვარი კოოპერაცია, როგორც საკრედიტო, ისე მომხმარებელი და გაშალბელოც. ამ დარგის ორგანიზაციები, როგორც ეკონომიური ხასიათის საკულტურო დაწყებანი, მეტად განსხვავდებიან იმ, განსაკუთრებით საკულტურო დაწყებათაგან, რომელთაც ემსახურება მაგ. ქ. შ. წ. კ. გ. საზოგადოება, სკოლები, ბიბლიოთეკები, თეატრები და სხ. თუ უკანასკნელნი ითხოვენ მეტად დიდ ხარჯს და, განსაკუთრებულ ბიუჯეტის უქონლობის გამო, იძულებულნი არიან ქველმოქმედებაზე დაემყარნენ, — კოოპერატია თვით არის შემქმნელი მატერიალური ღირებულობისა და მისი დამყარება საქველმოქმედო ნიადაგზედ — ყოვლად შეუფერებელი მოვლენა იქნებოდა. პირველ ხანებში, როცა რომელიმე კოოპერატივი ფეხმოუმაგრებელია, როდესაც ხალხი უნდობლად უყურებს მას, ინტელიგენცია მოვალეა თავისი ცოდნით, გამოცდილებით დაეხმაროს და ხელი შეუწყოს მისი ყოველმხრივი მომაგრებისათვის; მაგრამ, როდესაც ოპერაციები იზრდება, როდესაც საკრედიტო საქმე ბევრჯელ იმდენად რთულდება, რომ ყოველდღიური შრომა სჭირია, როდესაც მომხმარებელ ან გაშალბელო ამ ხანაგობას აუცილებლად უხდება გამუდმებით მოქმედება და ამით ყველა ეს დაწყებულებანი იგებენ მატერიალურად, — პირველ საზრუნველ საგნად უნდა გახდეს დაჯილდოება იმ პირთა, რომელნიც საქმეს აწარმოებენ. ეს პირველი მცნება უნდა იყოს ყველა კოოპერატივისა, რომელსაც სურს დაინტერესოს ყველა გარშემო მდგარი და საქმე წინ წასწიოს. ყველა შრომა დაფასებული უნდა იყოს კოოპერატივში, რომ ფასის ამლები თავის თავს მოვალედ და პასუხისმგებლად გრძნობდეს. საქველმოქმედო შრომა დროულია, ნებაყოფლობითაა განსაკუთრებით და ვერაფის მოსთხოვთ — გინდა თუ არა იმუშავეო; და თუნდაც არ იმუშაოს, ვერც საყვედურს ეტყვიო, და საქმესაც ისე არ დაუშავდება. მაგრამ როდესაც სასყიდელს აძლევთ, ადამიანი ერთი ხხრით გადაბმულია საქმის წარმატების ინტერესებთან და მეორე ხხრით იგი მოვალე ხდება განსაზღვრული დრო და ენერგია მოახპაროს იმ

საქმეს, რომლისთვისაც ჯილდოს იღებს. ეს მით უფროა საჭირო, რომ ბევრგან, როგორც თვალყურს ვადევნებთ, მეტად ჩქარა იზრდება ოპერაციები, საქმე თავისით იზრდება, მაშასადამე ითხოვს უფრო მეტ თავისუფალ ხალხს, უფრო მეტ დროს და თუ სხვა რომელიმე ლუკმის მომცემ შრომისაგან არ განთავისუფლდა ადამიანი, იგი იმავე გულმოდგინებით ვერ შესწირავს თავის დროს — კოოპერატივის კეთილდღეობას. ინტერესები კოოპერატივისა და ყოველი მის მუშაკისა და ამხანაგისა მჭიდროდ უნდა იყოს გადაბმულნი ერთი-ერთმანეთზედ რომ კოოპერაციამ საქველ-მოქმედო და მაშასადამე გამრყენელი ხასიათი არ მიიღოს. უნდა ყოველი ამხანაგი გრძობდეს, რომ კოოპერაცია თანამშრომლობაა საერთო ინტერესების დასაცავად და არა ერთი ნაწილის გაბედნიერება სხვისი ნაოფლართ. და თუ დასაგმობია მითვისება მუშაკის შრომისა კერძო პირთაგან, ისევე დასაგმობია მისი მითვისება ამხანაგობისაგან. კოოპერაცია განსაკუთრებით სამართლიანობის პრინციპზედ უნდა იყოს აგებული, რომ უსიამოვნობას და შულღს არა ჰქონდეს ამხანაგთა შორის.

ყველა ზემოაღნიშნული მაშინ უფრო ნათელი ხდება, როდესაც საკოოპერაციო მოქმედება გასცდება პირველ დაწყებით ხანას და მისი ვითარება ყოველდღიური ხდება; როდესაც კოოპერატივს ხელმძღვანელობა და სულის ჩაბერვა კი აღარ სჭირია, არამედ გაბმული, სისტემატიური მუშაობა; როდესაც იგი უკვე ვაცილებულია აბსტრაქტულ იდეათა საზღვარს, და პირდაპირ მატერიალურ და კულტურულ ღირებულებათა შემქმნელ იარაღად იქცევა ხოლმე.

ამიტომ ჩვენ მოვიწვევთ ყველა კოოპერატივის ხელმძღვანელთ, უკუავდონ ქართულ საზოგადოებაში გამეფებული აზრი — ქველმოქმედებისა და ხალხში გააძაგრონ რწმენა ყველგვარი მუშაობის დაფასების საჭიროებისა. ეს პრინციპი, მართალია, ისეთი პოპულიარული არ არის, როგორც „ქველმოქმედური ქართული მოღვაწეობა“, მაგრამ იგი ვაცილებით უფრო საღია და ნაყოფადაც მოჰყვება ნამდვილი საქმის კოოპერატივების შექმნა-განვითარება, რაც ნამეტნავად ეხლაა საჭირო ჩვენთვის და არა მარტო დაარსება ისეთი „საკულტურო ბუდეებისა“, რომლებშიც ბარტყების მაგიერ — ცარიელა ბურტყლები ეყაროს.

ყველა ეს, საანბანო ქეშმარიტებადაა ცნობილი იქ, საცა კოოპერაცია განვითარებულია, მაგრამ ჩვენში, საუბედუროდ, როგორც ეტყობა, კიდევ



ძლიერად არის გაქვნილი ჰაერი უნათო ქველმოქმედური სულით, რასაც ამტკიცებს თუნდ თელავის და ზოვიერთი სხვა ადგილების საკოპერაციო ამბები. ჩვენ ვაფრთხილებთ ამხანაგობათა ხელმძღვანელთ და მესვეურთ, არ აპყენენ ყოველგვარ მჯღაბნელთა და უსაქმურ „დამსწრეთა“ ზღაპრებს და კეთილსინიღისიერ მუშაობაში ჯილდოს მოთხოვნა სათაკლოდ არ მიიჩნიონ. პირიქით, ვისაც სურს და მართლა გულთათა მოწადინებული, დაუმტკიცოს ხალხს კოპერაციის დიადი მნიშვნელობა — ის ყოველთვის იმის ცდაში უნდა იყოს, რომ რეალურად დაინტერესოს ყველა ამხანაგი და მომუშავე. მარტო მაშინ შეიძლება კოპერაციამ ნამდვილი მოქალაქობრივი სული დაბადოს და რეალურ ძალად იქცეს ჩვენს ცხოვრებაში.

კოპერატორი.

# ეროვნული უძღურება და მისი საში სახე

IV

პირველ წერილში, ჩვენა ვსთქვით რომ, თუმცა ტერიტორია, როგორც ენა და ზნე ჩვეულება, არ არის ერის ორგანიული თვისება, ურომლისოდაც ერს არავითარი სახით არსებობა არ შეუძლია; მაგრამ ის სივრცე, რომელზედაც მას მრავალი ასეული წლის განმავლობაში უშენებია თავისებური კულტურა, აუცილებელი და ერთი მთავარი შესაძლებლობა არის, რომ ერმა იურიდიულად იარსებოს. ამის ნათელსაყოფად გაკვრით რამდენიმე მაგალითიც მოვიყვანეთ, მაგრამ მცირე მაგალითების რიცხვი არ არის საკმარისი ისეთი რთული საკითხის გადაწყვეტისათვის, როგორც არის ერისა და ეროვნული ტერიტორიის ურთიერთობის საკითხი, რისთვისაც ნებას მივცემთ ჩვენს თავს ამ საკითხს უფრო ვრცლად შევეხოთ და ჩვენ მიერ წამოყენებული დებულება შეძლებს დაგვარად დავასაბუთოთ. ამ მიზნით კვლავ მოგვიხდება მოკლე ისტორიულ განმარტებას მივმართოთ.

ამ საკითხის ვრცლად გაშუქებაზედ არ შევჩერდებოდით, რომ მას დღეს განსაკუთრებული ყურადღება არ ჰქონდეს მიქცეული ჩვენი საზოგადო-

ების მრავალ ჯგუფისა, რომლებიც ერთგვარი წინდაუხედავი პირდაპირობით სწყვეტენ ესოდენ რთულ და დიდმნიშვნელოვან საკითხს, როგორც არის ეროვნული ტერიტორიის შენარჩუნება, ამ მხრივ ჩვენს წერილს ვარკვეული მიზანი აქვს.

კერძო საკუთრების აღორძინებამ გადამწყვეტი გავლენა იქონია უფლებრივ ინსტიტუტების შექმნაზედ; თუმცა არ შეიძლება უარყოფილ იქმნას არსებობა რაიმე უფლებრივ ნორმებისა, საკუთრების ჩასახვამდისაც, მაგრამ ყოველივე ამგვარ უფლებას ირაციონალური ხასიათი ექნებოდა, რადგანაც ობიექტი უფლებისა გამოურკვეველი იყო. და უფლების ფარგლებში განიზომებოდა ფიზიკური ძალის სიდიდით. ამგვარი უფლებრივი პრინციპი ცხადია, განსაკუთრებული სიძლიერით განმტკიცებული იმ ხანაში იქნებოდა, როდესაც რაიმე მუდმივ კავშირზედ ლაპარაკი კი ზედმეტი იქნებოდა და ყოველივე დროებით ჩასახული კავშირი ირღვეოდა იმ საჭიროების აღსრულებასთანავე, რომელიც იწვევდა კავშირის დაარსებას, მაგრამ რაკი ადამიანი კერძო საკუთრების შემეცნებამდის მივიდა, მუდმივი ან ხანგრძლივი კავშირის დაარსების აუცილებელი საჭიროებაც ცხადი გახდა; საკუთრებათა ინსტიტუტებისათვის აუცილებელი იყო საზოგადოების სანქცია, დაკანონება, რათა თავიდან აცილებული ყოფილიყოს ყოველივე ქონებრივი არეგ-დარეგა. ამ ნიადაგზედ შეიქმნა ზეარსი რეგლამენტი, განსაზღვრა ინდივიდისა და ინდივიდთა ერთ-ერთ შორის დამოკიდებულებისა, რომელსაც ბეჭდათ მთელი ოჯახისა, თემისა ან მოღვმის ზნეობრივი სანქცია ედო. ნება გაზოგადდა, კოლექტივად იქცა და შეუდგა პიროვნებათა უფლებრივ „გამიჯვნას“, რასაც სარჩულად დაედო განყენებული პრინციპი „საზოგადოების ინტერესი“.

საკუთრების გარდა, კავშირთა ჩასახვ-ს ხელს უწყობდა მეორე პრინციპი „სისხლით ნათესაობისა“, რომლის აუარებელ ნაშთებს დღესაც ვხვდებით, ყველგან და უწინ ხომ მეტი სიძლიერით იყო ფეხმოდგმული საზოგადოებრივ ცხოვრებაში. გუნტერი და ზიგფრიდი ეფიცებიან ერთმანეთს დაურღვეველ ერთგულებაში და სისხლის მიღებით განამტკიცებენ მჭიდრო კავშირს გერმანელთა მითიური გმირები. თუ რამდენად პრინციპი „სისხლით ნათესაობისა“ ხდებოდა იმპულსად ამა თუ იმ მორალური შეხედულების შექმნაში, შემდეგ წერილში ვიტყვით, ეხლა კი დავსძენთ რომ სისხლის ნათესაობას იმდენად დიდ



მნიშვნელობა ჰქონდა, რომ იგი, უმეტეს ნაწილად განსაზღვრავდა ჯგუფთა შორის დამოკიდებულების ხასიათს. მეტი კიდევ, ეს პრინციპი აკავშირებდა პიროვნებას პიროვნებასთან, ოჯახს ოჯახთან. მხოლოდ საკუთრებამ ეს დაახლოვება მეტის სიძლიერით განამტკიცა, რადგანაც მისტიურ ნათესაობას რეალური ნიადაგი მოუნახა და მით შესაძლებელი გახდა, რომ ქეშმარიტი და მკვიდრი კავშირი დამყარებულიყო. მაგრამ იმის მიზეზით, რომ საკუთრება ინდივიდუალური კი არა, თემური იყო, რომელზედაც ვრცელდებოდა მფლობელობითი უფლება კოლექტივისა და არა პიროვნებისა, — შესაძლებელი შეიქმნა საერთო ტერიტორიაზედ ლაპარაკი რადგანაც თემური საკუთრება ისეთი ინსტიტიტუტია, რომელშიაც თავსდება მთელი საზოგადოებისა და კერძო პიროვნების ქონებრივი ინტერესები და ვიმეორებ ამ გვარმა ფორმამ საკუთრებისა წარმოშობა შემეცნება „საერთო ტერიტორიისა“. თუმცა შემდეგში თვით ეს ფორმა საკუთრებისა თითქმის ძირი ანად შეიცვალა.

მუდმივი სადგომების შექმნასა და მიწის საკუთრებასთან ერთად იშვა იდეა უფლებისა და მოდგმისა მამამთავარი ხდება მიწის მესაკუთრედ, — ის მცარცველთა ბრბოს წინამძღოლი კი არ არის მარტო მას უკვე უფლება აქვს იმ პირების განსჯა-გაკითხვისა, რომლებიც ცხოვრობენ იმის „სამფლობელოს“ საზღვრებში და ამ გვარ ძირითად შეცვლას თანა სდევდა ჩასახვა სახელმწიფოებრივ ფორმებისა თანამედროვე სახით.

ტერიტორიალური უფლებბრივი გამიჯვნა თანდათანობით ხდებოდა; ცხადია ამ გვარ უფლებბრივი დიფერენციაციის, სახელმწიფოებრივი ინდივიდუალობის განმტკიცებას ძლიერ ღრმა დამოკიდებულება ჰქონდა მთელი იმ რიგ ობექტიურ პირობებთან, რომელშიაც უხდებოდა ზრდა-განვითარება ამა თუ იმ ერს, რისი მაგალითებიც ჩვენ მესამე წერილში ვუჩვენეთ რომაელთა და ელლინთა კულტურის გაკვრით შედარების დროს. მაგრამ რა გინდ მრავალფეროვანი მოწინააღმდეგე პირობები უნდა იწვევდნენ ორი რომელიმე ეროვნების უფლებბრივი შემოქმედებას, მიზანი მაინც ერთია, რადგანაც უფლებბრივი შემოქმედებისათვის შაბლონი ერთია, სახელდობრ — პიროვნებათა ნების განსაზღვრა საზოგადო ინტერესების სასარგებლოდ და საკეთილდღეოდ... ასეთი არის შინაური უფლებბრივი შემოქმედება, მოქცეული განსაზღვრულ გეოგრაფიულ საზღვრებში, სავალდებულო მხოლოდ იმ პირთათვის, რომელ-

ბიც სცხოვრობენ ამ სივრცეზედ. პრუსიის კაროლი ატარებს ღირსებას გერმანელთა იმპერატორისა და არა გერმანიის იმპერატორისა, რადგანაც ეს ცხადი უზურპაცია იქნებოდა სხვა გერმანელ სახელმწიფოების პოლიტიკურ და ეკონომიურ უფლებისა, აიტომ ამბობს პროფესორი ივენსი, უზენაესი უფლება გერმანელთა იმპერატორისა უფრო მიაგავს უფლებას ტომის უფროსისას, რადგანაც იგი არის მთავარი გერმანელ სახელმწიფოებისა, მხოლოდ ტერიტორიალური უფლება კი მას მხოლოდ და მხოლოდ პრუსიის საზღვრებში აქვს.

თუ რამდენად უფლება გადაკანძულია საკუთრებასთან ეს იქიდანაც სჩანს რომ ყოველივე ერს თავის განვითარების ისტორიულ ხანაში აქვს თავისი საზომი იმისა, თუ რომელი მოქალაქე უნდა ითვლებოდეს უფლების მქონედ და ჩვენ ვხედავთ, რომ ამ უფლებათა განსაზღვრაში მთავარ როლს თამაშობს პრინციპი კერძო საკუთრებისა. გავიხსენოთ რომაელთა, ელლინთა, გერმანელთა სოციალური კლასები და დავინახავთ, რომ უფლებათა განწესრიგება პირდაპირ დამოკიდებულებაშია იმისაგან, თუ რომელი კლასი, წოდება, როგორ საკუთრების ერთეულს წარმოადგენდა, მაგრამ საკუთრება შინაურს უფლებბრივ შემოქმედებას კი არ განსაზღვრავდა მარტო, იკივე საკუთრება ედებოდა სარჩულად გარეულ პოლიტიკასაც, რასაც დავინახავთ თუ კი გავიხსენებთ რომაელთა დამოკიდებულებას სხვა ლათინთა ტომის ჯგუფებთან.

ისტორიულ მაგალითებს რომ თვალი გადავაულოთ და დაუვირდეთ დღევანდელი სახელმწიფოების შინაურ უფლებათა განწესრიგებას, იძულებული ვიქნებით ვაღვიაროთ, რომ უფლებბრივი ფორმები ყოველი სახელმწიფოსი გამოწვეულნი არიან, „სოციალური ინტერესით“ და წარმოადგენენ ემდუნად რეალურ ძალას, რამდენადაც არ სცილდებიან იმ გეოგრაფიულ საზღვარს, რომელშიაც სცხოვრობს ერი, მისი შემქმნელი. ამ მხრივ უფლება, როგორც ნაყოფი ეროვნული ერთეულისა მომწვედულია იმავე ეთნოგრაფიულ საზღვრებში, როგორც ერი, რადგანაც უფლება, როგორც ტრანსცენდენტი არ არსებობს. განაშორეთ უფლება სივრცეს, უფლება იურიდიული, და იგი ცხად ფიქციად იქცევა, რადგანაც უფლება გულისხმობს ვალდებულებას. ვალდებულება კი მიმართულია „ვინმესადმი“ ან „რისადმი“; ვალდებულება აბსოლუტისადმი ეს რელიგიური ვალდებულება არის, და იგი ლახაკს გეოგრაფიულ საზღვარს, მაგრამ ვალდებულება იური-



დიული, კანონმდებელი შემეცნება არის და ამიტომ ვამბობთ, რომ იგი აუცილებლად მომწყვედურია სივრცეში. ასე რომ მთელი რიგი ეროვნულ უფლებათა თავის დღეში ვერ გასცილდება მის გეოგრაფიულ საზღვრებს ისე, თუ არ იქნა დარღვეული უფლებანი მეორე მისსავე მსგავს ეროვნებისა, მაგრამ ძლიერა მოსილი კანონი ია უფლება მხოლოდ ერის კუთვნილი სივრცეზედ არის.

შემეცნება ეროვნებისა—ამბობს იგივე ევანსი— აუცილებლად გულისხმობს მუდმივ და განსაზღვრულ გეოგრაფიულ საზღვრებს. შეიძლება მოხდეს ცვლა ხასიათისა, ზნე-ჩვეულებისა მცხოვრებელთა შორის; შეიცვალოს ფორმა მართველობისა, როგორც შედეგი იმიგრაციისა და რევოლუციისა; კერძო პირები და ოჯახები შეიძლება გაჰქრნენ, მაგრამ ერი კვლავ განაგრძობს არსებობას განსაზღვრულ ტერიტორიალურ საზღვრებში და არ ირღვევა სხვა ელემენტების შერევით. ალბად პატივცემულ პროფესორს მხედველობაში ერის უფლებრივი არსებობა ჰქონდა, როდესაც მიგვიითებდა გეოგრაფიულ საზღვრებზედ, რადგანაც არ შეიძლება არ სცოდნოდა მას, რომ ერი არსებობს ტერიტორიის გარეშეც, როგორც მაგალითად ებრაელები. ასე რომ, თუ პროფესორს ევანსს გავყვებით, აუცილებლად იქ მივალთ, საიდანაც ჩვენ ჩვენი მთავარი დებულება გამოვიყვანეთ, რომ ერის უფლებრივი არსებობა მხოლოდ და მხოლოდ მაშინ არის შესაძლებელი, თუ კი არსებობს მთლიანი სივრცე გეოგრაფიული საზღვრებისა, რომელთა შორის ერს შეეძლება თავისუფალი და ყოველ მხრივი შემოქმედება.

ჩვენ ზემოდ ნაჩვენებ მაგალითებით მხოლოდ იმის გარკვევა გვინდოდა თუ რა წესით მოხდა ჯერ ერთი ეროვნებათა ტერიტორიალური განკერძოება და მეორე, ნათელ გვეყო სინამდვილე იმ დებულებისა, რომ უფლებრივი ინსტიტუტების ჩასახვა შესაძლებელი იყო მხოლოდ მის შემდეგ, როდესაც კერძო საკუთრება მოძრავ ნივთებს გარდა მიწაზედაც გავრცელდა, როდესაც ოჯახმა, ნათესავთა კავშირმა, ან ეროვნულმა ჯგუფმა ფეხი დააღვა განსაზღვრულ სივრცეს და მას თავისი საკუთრება უწო-

და, ამ მიზნით შევეხეთ უფლების ხასიათს საზოგადოთ. შემდეგ წერილში შევეხებით ტერიტორიის მნიშვნელობას საერთოდ ეროვნულ თავისებურ კულტურის განვითარებაში და ვეცდებით გამოვივლიოთ დამოკიდებულება ერსა და მის მიერ ისტორიულად შექმნილ ტერიტორიის შორის, ეხლა კი დასასრულს, თავს მოუყრით უკვე თქმულს, რათა სისტემა შემდეგი განმარტებისა მას მჭიდროდ დაუკავშირდეს:

ეროვნულ მთლიანობის შექმნაში ორი ფაქტორი მოქმედებს: პრინციპი სისხლის ნათესაობისა და კერძო საკუთრება. პირველი ჰქმნიდა მისტიურ მთლიანობას და ისტორიის სიგრძეზედ ვხედავთ თუ რა სიძლიერით მოქმედებს ეს პრინციპი ტომთა და ეროვნულ ჯგუფთა ურთიერთობაში, განსაკუთრებით მის შემდეგ, როდესაც ეროვნულმარეალიზებმა დადასტურეს იგი. კერძო საკუთრებამ, როგორც ზევითა ვსთქვით მოუნახა რეალური ნიადაგი ნათესაობას და განამტკიცა იგი სივრცეში; მანვე შესაძლებლად გახდა წარმოშობა სახელმწიფოებრივ ფორმებისა, რომელთა თანდათანობით განვითარებამ შედეგად მოგვცა დღევანდელი ნაციონალური ერთეულები და ამ რიგად კერძო საკუთრებაში ისლება მიზეზი ჯერ ერთი უფლებათა ჩასახვისა და მეორე ეროვნულ ტერიტორიათა გეოგრაფიულად გამოყოფისა. ამისათვის, როდესაც რომელიმე ერზედ ვლაპარაკობთ თავის თავად ვგულისხმობთ სივრცეს, რომელზედაც იგი არსებობს, მოქმედებს და ჰქმნის სხვა და სხვა ღირებულებას, არა როგორც ინდივიდი, არამედ როგორც კოლექტივი, განსახიერებული ენაში, ზოგად ჩვეულებებში და უფლებაში.

ასე რომ ერის იურიდიული არსებობისათვის აუცილებელი არის კომპაქტური სივრცე, რათა მან თავისუფლად აშენოს უფლებრივი შენობა, რომელშიაც იგი ჩააქსოვს განსაკუთრებით მას, რაც უფრო აუცილებელი არის ყოველ მხრივი შემოქმედებისათვის.

შალვა ჯ. ძე.



# ნ ა რ ე კ ი

**ფუტკრების სიმღერა.** აქამდის ყველამ იცოდა, რომ ,,ტიუ, ტიუ, ტიუ“-ს წიწილები თუ იძისდნენ და ვვა, ვვა, ვვა“-ს კიდევ ვვაგები. მართალია, ზოგი ამბობდა, რომ ბაყაუებიც ასე ვიყინებენ: ,,ვვა, ვვა, ვვაო“, მაგრამ ეს... უურზუა დამოკიდებულია, იძისდნენ მკარნი. თურმე ნუ იტყვიოთ კია, ტიუ, ტიუ და ვვა, ვვა-ს ქუთაისში ფუტკრებიც ,,მღერაინ“. იქნება მკითხველს გაუკვირდეს ასეთი ამბავი, მაგრამ ცნობა ფრთად კონსერტიკოვან წყაროდან მოგვყავს: „სასოფლო გაზეთი“ № 22. მცფუტკრეობის ანბანი

ნამთავარა ნაყარი გამოსვლის შემდეგ სკაში იხეკება ახალგაზრდა უხნისი დედა, რომელსაც მუშები არ აჩებებენ დანაზრჩენი სადედეების დანგრევას და შიგ მკოფი, გამოსასვლელათ მომზადებული ახალგაზრდა დედების დახიცივას; მასინ ნამთავარა დედა მართაყს სიმღერას ამ ნაირათ: „ტიუ ტიუ-ტიუ“. რაკი გაიგონებენ სხვა გამოსასვლელათ დამთავრებული ახალგაზრდა დედები ამ სიმღერას, შეშინებულიები აღარ გამოდიან ფიჭიდან, შიგ რჩებიან და თითქოს მასუხს აძლევენ თავის უფრთს დასო, მორთაკენ სიმღერას ვიყინებენ: „უვა უვა უვა“.

სწორედ ამასთანა ამბავსკად იტყვიან სოფლმე ჩვენში: რამდენი ფუტკარი ჭეყავსო. თუმცა ეს შეშინებანი მოსაზრებას: თუ კი ,,გ. შ.-ს“ შეუძლიან დაბადებულ ფუტკრის სიმღერისა და დაუბადებულ ფუტკრის ვიყინის გაცანება, რატომ ამ ფუტკრებს არ შეუძლიანთ ვიყინიც და სიმღერაც. თუ დავაგნდით, დარწმუნებულნი ვართ, თარზე ბაიათებსაც დაუკრავენ და ქაღალტან დენკანის მკასტორ ცეკვასაც გვანახებენ. გზა მიუგით ამ სუფსარჟისტკებს.

**უთვლო ავტომობილი.** ბერლინში, ამას წინად გამოსცადეს ერთ გერმანულ ინჟინერისგან გამოგონებული მატარებელი, რომელიც, თვლებს მაკიერ მარხილსკედ არის გამართული. მოტორის საშუალებით, მარხილის ფეხები რიგრიგობით იწევიან მდღა და წინ გადიწევიან ჭეყრში. ამგვარად მთელი ავტომობილი, ,,მიაბაჟებს“ წინა, აღმვიანივით- ეს გამოგონება მით არის უფრო საყურადღებო, რომ მისთვის აღმართ-დაღმართი არ არსებობს, რადგან მისი ,,ფეხი“ არა სხლტება გზაზე თვალისავით და საგორავები არა სჭირაა.

ამბობენ, ახლო მომავალში, იგივე ინჟინერი ანბობს ამ ფეხიან ავტომობილს ოთხი ისეთი ფეხი გაუკეთას, რომელთა მოძრაობა ემგზავსებოდეს ცხენის ფეხთა მოძრაობას და ჩვენ მოწამენი გავხდებით... რკინის და ფოლადის ცხენებს აბამდნენ სხვა და სხვა ეტლში.

## ჩვენი ფოსტა

**ქინციკიძეს:** „...არ ძალმიძს მუხა მოვიხმო, ავაულერვინო (?) გიტარა...“

მერე ამ სიტყვაში ვინ გატანს ძალას; რაზე ეწვავლები ან შენ, ან ჩვენ რას გვეჩიხი?

**მ ც--ს:** „...ერთი ხანია გიმნაზია გავათავე და მინდა რამე საქმეს მოვეკიდოვო“ — გვწერთ.

გიმნაზია გაათავეთ და არ იცით რომ კვლევ ცუდი ხელმოსაკიდაა.

**ც-ციახ:** „...ახა მარჯვენა ხელთა სცადეთ წერა, იქნება უფრო ჭკვიანური რამ გამოვიდეს.“

ჟურნალ „კლდის“ № 18-ში მოთავსებულ წერილისა „სახელმწიფო სათათბიროს კომედია“ და № 19-ში დაბეჭდილ წერილისათვის — „საშინელი უბედურება“ (ტირიფონის შესახებ) რედაქტორი პასუხისმგებამია მიცემული, 1034 და 152 მზხლის ლის ძალით. პირი საბრალმდებელი ოქმისა მას უკვე ჩაჰბარდა 27-ს თიბათვეს.

რედაქტორ-გამომცემელი

რ. გაბაშვილი.



# ჩვენ მანდილოსანთა საყურადღებოდ!

## წინდის საქსოვი მანქანები

ჩვენ სოფლებში ბევრი კურთხეული ხელისაგან მოქსოვილი კარგი წინდა იშოვება და ბევრ შემთხვევაში იგი საბაზროდაც გამოაქვთ. ეჭვ გარეშეა, რომ ხშირად კარგი ხელოსანი ძლიერ მაგარსა და ლამაზ წინდას მოქსოვს, მაგრამ ჩვენ ამ უამად ვცხოვრობთ მანქანის საუკუნეში, როდესაც სიჩქარეს უმთავრესი ყურადღება უნდა ჰქონდეს მიქცეული.

ამ მიზნით საუკეთესო ინგლისურ ქარხანას დავამზადებინეთ წინდის საქსოვი მანქანები, რომელნიც საუკეთესო ღირსებისანი არიან და ძლიერ ხელ მისაწდომი.

ასეთ მანქანებს დიდი მნიშვნელობა აქვთ, რადგან ჩვენში ბევრი ფირმა ფასის ნაწილ-ნაწილ გადახდით ჰყიდის ასეთ მანქანებს და მის შემქნეს ხშირად თითო ცალი 120 მანეთი უჯდება.

ჩვენ შეგვიძლიან მსურველთ მივაწოდოთ ორი ტიპის მანქანა.

„ს ა ნ“ № 1 84 ჩხირით ცილინდრის დიამეტრი 4 1/2 დიუმი, ყოველივე თავის მოწყობილებით, ჩვენში ჩაბარებით — მარტო 65 მანეთი.

ჩვეულებრივად მანქანის ცილინდრი 84 ჩხირიანია, მაგრამ თუ გსურთ ძლიერ წმინდათ მოქსოვა შეგიძლიანთ აიღოთ ცილინდრი:

108 ჩხირით.	მაშინ მანქანა დაგიჯდებათ	70 მანეთი
132	„ „ „	74 „
160	„ „ „	75 „

„ნ ტოლი“ № 2, 84 ჩხირით, ცილინდრის დიამეტრი 3 1/2 3 3/4 და 4 1/4 დიუმი, ყოველივე თავის მოწყობილებით ჩვენში ჩაბარებით — 50 მანეთი.

108 ჩხირით მანქანა დაგიჯდებათ	55 მანეთი
312	„ „ „ 60 „

### წინდების და სხვა სამოსელის საქსოვი მანქანა № 3.

მაზე შეგიძლიანთ მოქსოვოთ აბრეშუმის, მატყლის და ბამბის ძაფით: პაიჭები, ხელთათმანები, ბავშვების პერანგები, ფარდები, ბალიშის პირები და სხ. და სხ.

მანქანა ძლიერ გამოსადეგია პატარა საქსოვ ქარხნისათვის. 84 ჩხირით, სიგრძე 31 სანტიმეტრი, ყოველივე თავის მოწყობილებით, ჩვენში ჩაბარებით — 100 მანეთი.

ჩვენგანვე შეგიძლიანთ გამოიწეროთ ჩხირები და მანქანის ყველა ნაწილები პირიან ფასებში, გამოწერილ მანქანასთან ერთად გამოიგზავნება ქართულად შედგენილი სახმარი დარიგება.

საქსოვი მატყლის და ბამბის ძაფი მსურველთ შეუძლიანთ შეიძინონ ადგილობრივ, რადგან უცხოეთიდან შემოტანილზე დიდი ბაჟი ადევს. მაგრამ იმ შემთხვევაში კი, როდესაც ფასს არ მოერიდებით შეგიძლიანთ ჩვენგან გამოიწეროთ.

ამ მანქანების გამოწერა შეგიძლიანთ პირდაპირ ჩვენგან შემდეგი მისამართით:

D. GHAMBASHIDZE et C<sup>o</sup>. 61. Mark Lane. London. E. O.

ან შემდეგი ადგილებიდან:

- |   |  |
|---|--|
| 1. თელავი: შემნახველ-გამსესხებელი ამხანაგობა; | 6. სამტრედია: ბ-ნი კ. კვანტალიანი;           |
| 2. კახი: (ზაქათალის ოლქი) ბ-ნი ილია ჯყონია;   | 7. კრეზალო: (რაჭა) საკრედიტო ამხანაგობა;     |
| 3. თბილისი: ბ-ნი ტრ. ლამბაშიძე, გოლ. პრ. № 6; | 8. ოზურგეთი: აგრონომი ერ. ნაკაშიძე;          |
| 4. სად. ქარელი: თავ. დიმიტრი დიასამიძე;       | 9. ბათომი: ბ-ნი ლუკა ჩხენკელი თბილ. ქ. № 32; |
| 5. ყვირილა: ბ-ნი იოსებ გუნცაძე;               | 10. ქუთაისი: ბ-ნი ისიდორე კვიციანიძე.        |

პეტეისცემით: დავით ლამბაშიძე და ამხ.



ქოველდღიური საკოლიტიკო და სალიტერატურო გაზეთი

# „იმერეთი“

ახალის რედაქციით და თანამშრომლებით.

მიიღება ხელის მოწერა 1914 წლისათვის. გაზეთის ფასი: ერთი წლით—7 მან. ნახევარი წლით 4 მან. ერთი თვით—80 კ. ცალკე ნომერი ერთი შაური.

ადრესი: Кутаисъ, редакция газ. „Имерети“.

ყოველკვირეული სამსატურო-საღიტერატურო, სათეატრო და

საზოგადოებრივი შინაარსის სურათებიანი ქურონალი

## „თეატრი და ცხოვრება“

ჟურნალს საგანგებო თანამშრომელ-კორესპოდენტები ჰყავს რუსეთსა და საზღვარ-გარედ. ჟურნალში თანამშრომლებენ ცნობილნი მწიგნობარნი, მუსიკოსნი, დრამატურგნი, მკოსანნი, და მხატვარ-ხელოვანნი.

ჟურნალის ფასი: წლიურად 5 მ. ნახევარი წლით 3 მან. ცალკე ნომერი იორ შაური. ფულის გადახდა ნაწილ-ნაწილადაც შეიძლება.

ხელის მოწერა მიიღება ქართ. დრამატ. საზოგ. კანტორაში და იოსებ იმედაშვილთან („სორაბ-ნის“ სტამბაში).

1894 წლიდან

1914 წლამდის

საუკეთესო დგინოდ ითვლება დგინოდ

საზოგადოება „კახეთი“-სა

ტელეფონი: № 73 და 3—51.

თბილისი: გოგოლის ქუჩა 63 და ერევნის მოედანი.

განყოფილებანი: ბაქოში, ასხაბადში, ტაშკენტში, მოსკოვში, ბათომში, რასტოვში და სს.